

HELAIAN PENDEDAHAN PRODUK

<p>Anda diingatkan untuk membaca helaian pendedahan produk ini sebelum anda membuat keputusan untuk memilih Pinjaman Perdagangan Mata Wang Asing. Sila pastikan anda juga membaca terma dan syarat muktamad di dalam Surat Tawaran (“LO”) dan Perjanjian Kemudahan. Anda dengan ini diingatkan supaya sentiasa mencari dan mendapatkan nasihat undang-undang bebas anda sendiri. Sila dapatkan penjelasan daripada wakil sah AmBank (M) Berhad (“Bank”) sekiranya anda tidak memahami mana-mana bahagian dokumen ini atau terma umum yang dinyatakan di sini.</p>	AmBank (M) Berhad Pinjaman Perdagangan Mata Wang Asing Tarikh: 30 November 2023
---	--

1. Apakah yang perlu saya ketahui tentang produk ini?

Pinjaman Perdagangan Mata Wang Asing (“FCTL”) ialah pinjaman perdagangan jangka pendek oleh Bank, yang didenominasi dalam mata wang asing (“FCY”) untuk membiayai import Pelanggan di bawah Surat Kredit (“LC”), Kutipan Berdokumen (“Kutipan”) atau Akaun Terbuka.

Bank membayar Penjual bagi pihak Pelanggan dan membenarkan Pelanggan memiliki barang serta memberi tempoh kredit kepada Pelanggan untuk membolehkan Pelanggan mengurus barang bagi menjana hasil kutipan untuk membayar balik Bank.

2. Apakah yang akan saya dapat dari produk ini?

- Tertakluk pada terma kemudahan FCTL menurut LO yang dikeluarkan oleh Bank kepada anda, anda akan menerima pembiayaan FCTL yang: -
 - a. tertakluk pada had kemudahan FCTL;
 - b. didenominasi dalam USD, SGD, AUD, EUR, GBP dan JPY;
 - c. membiayai 100% nilai invois;
 - d. tertakluk pada pengeluaran pinjaman minimum sebanyak RM20,000 atau FCY yang setara;
 - e. bertempoh sehingga suatu tempoh yang diluluskan oleh Bank menurut kitaran penukaran aset Pelanggan;
 - f. berdasarkan faedah mengikut Kos Dana (COF) yang dihitung pada kiraan atas baki harian dan asas akrual; dan
 - g. membiayai pembelian/import yang berkaitan dengan perniagaan Pelanggan di bawah LC yang dikeluarkan oleh Bank, Kutipan atau Akaun Terbuka.

3. Apakah peranan dan tanggungjawab saya?

- Memohon kemudahan FCTL dan memastikan kemudahan adalah tersedia dan cukup untuk pengeluaran pinjaman.
- Memastikan bahawa dokumen sokongan untuk FCTL adalah berkaitan dengan sifat perniagaan anda dan terdapat pemindahan barang yang sebenar.
- Memastikan dana akaun anda mencukupi dan memberi kebenaran kepada Bank untuk mendebit akaun anda di Bank untuk sebarang caj, komisen, yuran dan/atau belanja tunai langsung Bank berhubung dengan pembiayaan FCTL termasuklah pembayaran pada tarikh matang.
- Memastikan tiada kaedah pembiayaan lain yang diperoleh untuk transaksi yang sama.

4. Apakah harga, yuran dan caj yang dikenakan?

No.	Yuran dan Caj	Tarif
1	Berbilang bayaran (3 bayaran ke atas)	RM50 sahaja
2	Bayaran pemindahan (IBG/RENTAS)	RM2 sahaja
3	Bayaran Pos	Dalam Malaysia: RM5 Di Luar Malaysia: RM20

4	Perkhidmatan Kurier	Dalam Malaysia: RM15 Di Luar Malaysia: Tertakluk pada destinasi
5	Caj Lampau Tempoh	RM50 untuk setiap transaksi

Harga, yuran atau caj yang dinyatakan adalah tidak termasuk mana-mana cukai kerajaan yang mungkin dikenakan oleh Kerajaan Malaysia pada masa sekarang mahupun pada masa akan datang. Sekiranya kerajaan mengenakan apa-apa cukai ke atas yuran atau caj disebabkan oleh pindaan undang-undang atau apa-apa faktor yang lain, Bank berhak mengubah atau menyemak semula jumlah wang yang perlu dibayar.

5. Bagaimakah jika saya gagal melaksanakan tanggungjawab saya?

- Jika pembiayaan FCTL tidak dilunaskan sepenuhnya pada tarikh matang, baki pembiayaan akan diklasifikasikan sebagai tertunggak dan ditukar kepada Ringgit Malaysia (“RM”) tertakluk pada Faedah Mungkir menurut LO dari tarikh matang sehingga tarikh pembayaran penuh dilunaskan.
- Sekiranya akaun FCTL anda masih tertunggak selepas 3 bulan, status kemudahan-kemudahan kredit anda di Bank akan dikategorikan sebagai pinjaman tak berbayar.
- Bank akan menggantung penggunaan apa-apa kemudahan kredit yang diberikan kepada anda.
- Bank boleh menggunakan haknya dan mulakan proses pemungutan/tindakan undang-undang yang merangkumi, tetapi tidak terhad kepada, prosiding kemuflisan/penggulungan (jika jumlah tertunggak mencapai had tertentu). Aset anda mungkin dibekukan dan disita sekiranya diisyiharkan muflis/dikenakan penggulungan.
- Tindakan undang-undang ke atas anda juga mungkin menjelaskan taraf kredit anda yang menyebabkan pinjaman kredit anda lebih sukar atau mahal.
- Hak tolak selesai: Bank berhak untuk menggunakan mana-mana baki kredit dalam akaun anda di Bank kami untuk melunaskan jumlah tunggakan mana-mana kemudahan di Bank. Walau bagaimanapun, jumlah tolak selesai akan diberitahu kepada anda sebelum dilaksanakan.

6. Bagaimakah jika saya melangsaikan pembiayaan sebelum tarikh matang?

- Faedah akan dikira sehingga tarikh pembayaran penuh.
- Mungkin tertakluk kepada penalti (iaitu kos pembiayaan terganggu) untuk penamatkan awal kontrak.

7. Adakah saya memerlukan perlindungan insurans?

- Tidak berkenaan.

8. Apakah risiko utama?

- Naik turun dalam kadar pertukaran asing sekiranya pembayaran dibuat dalam RM.

9. Adakah saya memerlukan penjamin atau cagaran?

- Penjamin harus disediakan sekiranya perlu.
- Cagaran harus disediakan sekiranya perlu dan mesti dapat diterima oleh Bank.

Nota: Syarat di atas adalah bergantung pada kebolehpercayaan kredit anda.

10. Apakah yang perlu saya lakukan sekiranya terdapat perubahan pada maklumat untuk menghubungi saya?

Adalah penting untuk anda memaklumkan kepada Bank tentang sebarang perubahan maklumat hubungan anda bagi memastikan semua surat-menyerat sampai kepada anda tepat pada masanya. Untuk bantuan, anda boleh menghubungi/memberi makluman secara bertulis kepada Pengurus Perhubungan masing-masing.

11. Di manakah tempat untuk mendapatkan bantuan dan pembelaan?

- Jika anda bercadang untuk membuat aduan mengenai produk atau perkhidmatan yang disediakan oleh kami, anda boleh menghubungi kami melalui:

AmBank Contact Centre
No. Kotak Pejabat Pos 12617, 50784 Kuala Lumpur,
Tel.: (603) 2178 8888
E-mel: customercare@ambankgroup.com

- Sekiranya anda tidak berpuas hati terhadap penyelesaian ke atas pertanyaan atau aduan anda, anda boleh menghubungi Bank Negara Malaysia LINK melalui:

Blok D, Bank Negara Malaysia,
Jalan Dato' Onn,
50450 Kuala Lumpur.
Tel.: 1-300-88-5465
Faks: 03-2174 1515
Laman web: bnmlink.bnm.gov.my

- Sebagai alternatif, anda boleh mendapatkan perkhidmatan Agensi Kaunseling dan Pengurusan Kredit (AKPK), sebuah agensi yang ditubuhkan oleh Bank Negara Malaysia bagi menyediakan perkhidmatan pengurusan wang, kaunseling kredit, pendidikan kewangan dan penstrukturran semula pembiayaan secara percuma kepada individu. Anda boleh menghubungi AKPK melalui:

Level 5 & 6,
Menara Aras Raya
(Formerly known as Menara Bumiputra Commerce)
Jalan Raja Laut, 50350 Kuala Lumpur
Tel.: 03-2616 7766
E-mel: enquiry@akpk.org.my

12. Di manakah saya boleh mendapatkan maklumat lanjut?

Untuk butiran tentang manfaat, yuran dan caj, anda boleh melayari www.ambankgroup.com.

13. Lain-lain produk perdagangan yang disediakan: -

- | | |
|--|-----------------------------------|
| • Jaminan Bank | • Pembiayaan Invois |
| • Jaminan Bank Menerusi Kaunter | • Surat Kredit |
| • Penerimaan Jurubank | • Pendahuluan Kredit Pembungkusan |
| • Pembelian Bil Keluar Langsung | • Resit Amanah Ringgit |
| • Kutipan/Pembelian/Rundingan Berdokumen | • Jaminan Perkapalan |
| • Pembiayaan Semula Kredit Eksport | • Surat Kredit Tunggu Sedia |

PENTING! CAGARAN ANDA MUNGKIN AKAN DICAIRKAN SEKIRANYA JADUAL PEMBAYARAN TIDAK DIPATUHI

Maklumat yang disediakan dalam helaian pendedahan produk ini adalah sah dari 30 November 2023 sehingga kemas kini yang seterusnya. Sila layari www.ambankgroup.com untuk mendapatkan maklumat terkini.

Semua kiraan dan kadar di atas adalah untuk tujuan ilustrasi sahaja. Tertakluk pada terma dan syarat.

Penafian: Kemudahan sebenar yang akan disediakan oleh Bank adalah bergantung pada penilaian kredit anda yang dilakukan oleh Bank. Penghantaran helaian pendedahan produk ini kepada anda tidak mewujudkan apa-apa kewajipan oleh Bank untuk memberi anda apa-apa kemudahan.

Saya/Kami mengakui bahawa terma kontrak utama dan kewajipan kewangan saya/kami di bawah produk kewangan ini telah dijelaskan dengan secukupnya kepada saya/kami oleh wakil sah daripada AmBank (M) Berhad.

.....

Nama:

Nombor KP:

Tarikh:

Atau

Untuk dan bagi pihak

No. Pendaftaran:

.....

(Penandatangan dibenarkan/Pengarah)

Tarikh: